

***Tarikh Dibaca: 21 APRIL 2017M | 24 REJAB
1438H***

KHUTBAH JUMAAT

Tajuk:

“AGONG TONGGAK SYARIAT”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Dato' Haji Abdul Majid Bin Omar (Ahli)**
Ahli Jawatankuasa Fatwa Negeri Selangor
- 6. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 7. Tuan Haji Md. Sahari Bin Abdullah (Ahli)**
Ahli Jawatankuasa Fatwa Negeri Selangor
- 8. Tuan Haji Abdul Halem Hapiz Bin Salihin (Ahli)**
Ketua Penolong Mufti (Fatwa), Jabatan Mufti Negeri Selangor
- 9. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 10. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 11. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



“AGONG TONGGAK SYARIAT”

الْحَمْدُ لِلَّهِ الْقَائِلِ: يَا أَيُّهَا الَّذِينَ ءَامَنُوا أَطِيعُوا اللَّهَ
وَأَطِيعُوا الرَّسُولَ وَأُولَى الْأَمْرِ مِنْكُمْ فَإِنْ تَنَزَعْتُمْ فِي شَيْءٍ
فَرُدُّوهُ إِلَى اللَّهِ وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ
ذَٰلِكَ خَيْرٌ وَأَحْسَنُ تَأْوِيلًا^١

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ ءَامَنُوا أَتَقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

Muslimin yang dirahmati Allah sekalian,

Marilah kita bertaqwa kepada Allah SWT dengan sebenar-benar taqwa, tunduk patuh melaksanakan perintah-Nya dan bersungguh-sungguh menjauhi segala larangan-Nya, dan marilah kita berusaha sekeras-kerasnya untuk tidak mati melainkan dalam agama Islam, hanya

¹ Al-Nisa' ; 59



dengan rahmat dan redha Allah SWT kita akan beroleh keberkatan di dunia dan kemuliaan di akhirat nanti.

Sempena pertabalan Kebawah Duli Yang Maha Mulia Seri Paduka Baginda Yang di-Pertuan Agong ke-15, Sultan Muhammad ke-5, maka mimbar Jumaat pada hari ini mengajak hadirin Jumaat sekalian untuk menghayati khutbah yang bertajuk **"AGONG TONGGAK SYARIAT"**.

Hadirin Jumaat yang dirahmati Allah SWT,

Sesungguhnya peranan Yang di-Pertuan Agong berserta Majlis Raja-raja amat penting dalam menjaga agama Islam supaya dapat dipelajari, difahami, dihayati dan diamalkan dengan sempurna di Negara ini. Kenyataan ini selaras dengan kehendak Perlembagaan dan kontrak sosial yang telah dipersetujui oleh berbagai bangsa ketika mencapai kemerdekaan pada tahun 1957.

Selaku ketua Agama Islam atau Tonggak Syariat, Raja mempunyai peranan yang penting dalam memastikan agama Islam sentiasa terpelihara dari segala anasir yang boleh menggugat kemuliaannya. Tanggungjawab ini terpikul keatas institusi Raja Berpelembagaan semenjak tuanku mengangkat sumpah memegang jawatan Yang di-Pertuan Agong iaitu bersumpah dengan nama Allah, sebagai pengakuan taat setia menjalankan fungsi Yang di-Pertuan Agong mengikut apa yang ditetapkan oleh undang-undang dan Perlembagaan Malaysia.

Dengan lafaz sumpah tersebut, menjadi tanggungjawab baginda untuk melakukan tugas dan tanggungjawab secara jujur, amanah dan adil. Oleh yang demikian adalah menjadi kewajipan pula kepada setiap rakyat untuk mentaati baginda demi untuk menjaga keselamatan, menjamin ketenteraman dan mengekalkan kestabilan negara serta mendapat keredhaan Allah SWT.



Para hadirin sekalian,

Ketaatan kepada ketua negara yang sentiasa mengajak kepada kebaikan dan mematuhi Syariat Allah hukumnya adalah wajib demi untuk melangsungkan misi dan visi berdasarkan maqasid syar'iiyyah iaitu menjaga agama, nyawa, akal, keturunan, dan harta. Kerjasama dan persefahaman yang baik antara raja dengan rakyat juga adalah asas kejayaan dan akan mendapat keberkatan Allah SWT.

Hadis daripada Abdullah Bin Umar R.Anhuma bahawa Rasulullah SAW mengingatkan dengan sabdanya;

السَّمْعُ وَالطَّاعَةُ عَلَى الْمَرْءِ الْمُسْلِمِ فِيمَا أَحَبَّ
وَكْرَهُ مَا لَمْ يُؤْمَرْ بِمَعْصِيَةٍ، فَإِذَا أُمِرَ بِمَعْصِيَةٍ فَلَا
سَمْعَ وَلَا طَاعَةَ

"Setiap orang Islam wajib akur dan taat perintah pemimpin, samada disukai atau tidak, selagi perintah itu tidak menyuruh mereka berbuat maksiat, jika disuruh melakukan maksiat, maka tidak perlu akur dan tidak perlu taat".

(Riwayat al-Bukhari).

Pemimpin yang berpegang kuat dengan akidah dan syariat Allah pasti akan bersifat jujur dan bijaksana dalam setiap tindakannya.

Menurut Imam al-Haramain al-Juwaini mendefinisikan kepimpinan sebagai;

"Tugasnya ialah memelihara apa yang di bawah tanggungjawabnya, menjaga rakyat dan menjalankan dakwah".



Khalifah Umar Bin Abdul Aziz ketika menjadi pemimpin semasa pemerintahannya teramat takut kepada Allah SWT. Beliau bersifat zuhud, tawaduk, wara', bersopan santun dan pemaaf, sentiasa bersifat sabar dan tabah, adil, tegas dan berhikmah serta banyak berdoa. Malahan beliau amat beruntung kerana para ulama di zaman pentadbirannya bersikap tegas, ikhlas, jujur dan sentiasa menasihatinya, beliau pula sentiasa bersikap terbuka mahu mendengar dan mengikuti nasihat para ulama. Dengan sifat-sifat keunggulan tersebut, beliau berjaya menjalankan pemerintahannya dengan adil dan dapat membangun negara yang makmur serta memperoleh pengampunan Allah SWT.

Hadirin sidang Jumaat yang dikasihi Allah sekalian,

Sesungguhnya, demi memastikan Islam di negara ini sentiasa berada dipuncak kemuliaan, dihormati, disanjung tinggi dan dapat diamalkan dengan aman tanpa diganggu gugat, maka Yang di-Pertuan Agong mempunyai peranan yang amat penting sebagai tonggak agama Islam dan benteng pertahanan supaya Islam terpelihara dengan baik dan sempurna. Sehubungan dengan itu para pemimpin, pegawai dan rakyat pula mestilah sentiasa memberikan kerjasama yang tidak berbelah bagi membantu baginda dalam mentadbir urusan hal ehwal Islam supaya dapat dilaksanakan dengan penuh hikmah, teratur dan memberikan kebaikan kepada rakyat seluruhnya.

Kita mendoakan semoga dibawah pemerintahan baginda ini, rakyat hidup dalam suasana harmoni, bahagia dan bersatu padu, mampu menjalani kehidupan harian dengan himmah yang tinggi.

Muslimin sekalian,

Maka jelaslah bahawasanya Yang di-Pertuan Agong memang menjadi tonggak kepada agama Islam berdasarkan institusi Agong selaku



ketua kepada pelaksanaan dalam pengurusan hal ehwal Islam. Oleh yang demikian mimbar Jumaat hari ini dengan rasa penuh kesedaran dan tanggungjawab mengajak:

1. Umat Islam hendaklah yakin bahawa aqidah dan syariat Islam itu adalah amanah Allah dan wajib dilaksanakan oleh setiap pemimpin dan rakyat.
2. Umat Islam hendaklah memberi sepenuh ketaatan kepada Yang di-Pertuan Agong dalam memartabatkan pelaksanaan syariat dan undang-undang Islam di negara ini.
3. Umat Islam hendaklah mencintai Islam sebagai agama yang dianutinya dengan mewujudkan kerjasama, sokongan, persefahaman, perpaduan dalam penambahbaikan pada setiap pentadbiran, pengurusan dan perundangan.
4. Umat Islam hendaklah menegakkan syariat Islam, memberi sokongan dan bantuan dengan apa sahaja kemampuan yang ada demi memartabatkan undang-undang dan kedaulatannya.
5. Umat Islam hendaklah menjauhkan diri daripada segala bentuk perbalahan yang boleh menjejaskan akidah dalam usaha memartabatkan dan menambahbaikan syariat Islam.



أَعُوذُ بِاللَّهِ مِنَ الشَّيْطَانِ الرَّجِيمِ
وَمَا كَانَ لِمُؤْمِنٍ وَلَا مُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ
يَكُونَ لَهُمُ الْخِيَرَةُ مِنْ أَمْرِهِمْ ^{قُلْ} وَمَنْ يَعِصِ اللَّهَ وَرَسُولَهُ فَقَدْ
ضَلَّ ضَلَالًا مُبِينًا ﴿٣٦﴾

"Dan tidaklah harus bagi orang-orang yang beriman, lelaki dan perempuan, apabila Allah dan Rasul-Nya menetapkan keputusan mengenai sesuatu perkara (tidaklah harus mereka) mempunyai hak memilih ketetapan sendiri mengenai urusan mereka. Dan sesiapa yang tidak taat kepada hukum Allah dan Rasul-Nya maka sesungguhnya ia telah sesat dengan kesesatan yang jelas nyata".

(al-Ahzab ; 36).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلْ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ
هُوَ الْغَفُورُ الرَّحِيمُ.

Osman/Nurul
12.04.2017



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِنَا وَمَوْلَانَا مُحَمَّدٍ سَيِّدِ
الرُّسُلَيْنِ وَارْضَ اللّٰهُمَّ عَنْ اَصْحَابِهِ وَقَرَابَتِهِ
وَاَزْوَاجِهِ وَذُرِّيَّاتِهِ اَجْمَعِينَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ
قَرِيبٌ مُّجِيبُ الدَّعَوَاتِ يَا قَاضِيَ الْحَاجَاتِ. اَللّٰهُمَّ
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِينِ، وَنَسْأَلُكَ
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ
بِعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ
سَلَاطُور، سُلْطَانَ شَرْفِ الدِّينِ اَدْرِيسِ شَاهِ الْحَاجِ
ابْنِ الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ
شَاهِ الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاطُور،
تَغْكُو اَمِيرِ شَاهِ ابْنِ السُّلْطَانَ شَرْفِ الدِّينِ اَدْرِيسِ
شَاهِ الْحَاجِ فِي اَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ



يَا ذَا الْجَلَالِ وَالْإِكْرَامِ. اَللّٰهُمَّ اَطْلُ عُمْرَهُمَا
مُصْلِحَيْنِ لِلْمُوظَّفَيْنِ وَالرَّعِيَّةِ وَالْبِلَادِ، وَبَلِّغْ
مَقاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi oekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat, mewakaf dan menginfakkan harta melalui Lembaga Zakat Selangor, Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.
